

Broj: IP-01-30-1/24

Datum: 15.08.2024. godine

Na osnovu člana 13. Statuta Lokalne fondacije Zenica, predsjednica Upravnog odbora na sjednici održanoj u Zenici dana 15.08.2024. godine donosi:

POLITIKE ZAŠTITE DJECE

I UVOD

Lokalna fondacija Zenica (u daljem tekstu: Fondacija) se snažno opredeljuje za zaštitu prava i dobrostanja djece u svim svojim aktivnostima, projektima i inicijativama. Ova politika postavlja smjernice za zaštitu djece od bilo kakve vrste nasilja, zlostavljanja, eksploatacije ili zanemarivanja, kako bi se osigurao njihov razvoj u sigurnom i podržavajućem okruženju.

Ova politika je osnova našeg angažmana u zajednici i jasno definiše obaveze koje preuzimamo kako bismo zaštitili prava djece u skladu sa Konvencijom o pravima djeteta.

II CILJEVI

Naša politika ima sljedeće ključne ciljeve:

- Osiguranje bezbjednosti i zaštite djece u svim aktivnostima Fondacije;
- Prevencija i eliminacija svih oblika nasilja, zlostavljanja i eksploatacije djece;
- Promocija prava djeteta, uključujući pravo na obrazovanje, zdravlje i slobodno izražavanje;
- Podizanje svijesti o važnosti zaštite djece među zaposlenima, volonterima i partnerima.

III OBAVEZE FONDACIJE

Fondacija se obavezuje na sljedeće aktivnosti u okviru svoje politike zaštite djece:

- Osigurati bezbjednost i zaštitu djece: U svim projektima i aktivnostima u kojima su djeca uključena, biće preduzete sve potrebne mjere zaštite kako bi se obezbijedila njihova fizička, emocionalna i psihološka sigurnost;
- Prevencija nasilja: Aktivno raditi na sprječavanju svih oblika nasilja i zlostavljanja prema djeci, uključujući fizičko, emocionalno i seksualno nasilje. Svi zaposleni i partneri Fondacije će biti obavezni da se pridržavaju najviših standarda u zaštiti djece;
- Saradnja sa relevantnim institucijama: Raditi u saradnji sa državnim i nevladinim organizacijama, školama i institucijama koje se bave zaštitom prava djeteta, kako bi se obezbijedilo da svi projekti Fondacije budu u skladu sa zakonima i najboljim praksama;
- Edukacija zaposlenih i volontera: Sprovoditi obuke i treninge za zaposlene, volontere i partnere kako bi se obezbijedilo da svi imaju osnovno znanje o zaštiti djece, prepoznavanju znakova zlostavljanja i pravilnom reagovanju;
- Mehanizmi za prijavu i zaštitu: Uspostaviti sigurne mehanizme za prijavu bilo kakvih incidenata nasilja ili zlostavljanja, kao i postupke za brzo reagovanje i zaštitu djece koja su u opasnosti.

IV NAČIN PRIJAVE

Kršenja prava djece kao i svaka zloupotreba može se prijaviti sljedećim institucijama:

- Policiji - putem telefonskog broja 122 ili lično u najbližoj policijskoj stanici;
- Kantonalnom tužilaštvu - podnošenjem krivične prijave pismenim ili usmenim putem;
- Kantonalnom zavodu za besplatnu pravnu pomoć - podnošenjem prijave pismenim ili usmenim putem;
- Nevladinim organizacijama koje se bave pružanjem besplatne pravne pomoći ili zaštitom prava djece.

V IMPLEMENTACIJA I MONITORING

Za sprovođenje ove politike odgovoran je Upravni odbor Fondacije, koji će:

- Pratiti primjenu Politike kroz interne revizije i redovne evaluacije kako bi se osiguralo da su svi naši projekti u skladu sa politikom zaštite djece;
- Provoditi redovne obuke za zaposlene i volontere kako bi se unaprijedila zaštita djece i reagovalo na nove izazove;
- Prijavljivanje slučajeva: Svi zaposleni i volonteri Fondacije su obavezni da prijave bilo koji slučaj nasilja ili zlostavljanja djeteta, a Fondacija će osigurati sigurne kanale za prijavu i zaštitu identiteta prijavitelja.

VI ZAVRŠNE ODREDBE

Ove Politike stupaju na snagu danom usvajanja od strane Upravnog odbora, objavljuju se na oglasnoj ploči Fondacije i biće redovno revidirane kako bi se osigurala njena efikasnost i usklađenost sa međunarodnim standardima i nacionalnim zakonodavstvom.

U Zenici, dana 15.08.2024. godine



Azra Ganić,
Predsjednica Upravnog odbora